

Pravilnik o obrascu lične karte i podacima sadržan

“Službeni glasnik BiH“, broj 32/01

Član 1.

Pravilnikom o obrascu lične karte i podacima sadržanim u lienoj karti državljana Bosne i Hercegovine (u daljem tekstu: Pravilnik) propisuje se izgled obrasca liene karte i sadržaj podataka u lienoj karti, naein vođenja evidencije izdatih ličnih karata i druga pitanja.

Član 2.

Lična karta ima oblik kartice, formata 8,5 cm x 5,4 cm, debljine 0,81 mm, izrađena višeslojnom tehnologijom od bijelog i transparentnog polikarbonatnog materijala, sa primjesama oker-žute i sive boje u svijetlim tonovima. Obrazac lične karte sadrži rubrike sa prednje strane i poledine obrasca u koji se upisuju određeni podaci.

Član 3.

Naslov i nazivi rubrika na obrascu lične karte ispisani su na bosanskom, hrvatskom, srpskom, francuskom i engleskom jeziku.

Tekst na bosanskom, hrvatskom i srpskom jeziku ispisan je latinienim i airilienim pismom.

Pojedinaene podatke koji se unose u obrazac liene karte nadležni organi upisuju latiničnim pismom.

Član 4.

Prednja strana obrasca liene karte sadrži u gornjem lijevom uglu naslov “Bosna i Hercegovina“, a desno pored toga na središnjem dijelu naslov “Liena karta“.

S lijeve strane središnjeg dijela obrasca ispod naslova “Bosna i Hercegovina“ nalazi se prostor za fotografiju i potpis imaoca liene karte. Pored navedenog, na prednjoj strani obrasca liene karte nalaze se rubrike u koje se upisuju podaci o imenu i prezimenu, spolu, državljanstvu, datumu rođenja, mjestu rođenja, roku važenja lične karte i serijskom broju. Na poledini obrasca lične karte u gornjem lijevom uglu upisuje se jednodimenzioni barkod 39 sa podacima o jedinstvenom matičnom broju lica, a u desnom gornjem uglu upisuje se dvodimenzioni barkod PDF-417 sa podacima otisaka prstiju i drugim podacima o imaocu lične karte. Ispod toga upisuju se jedinstveni matični broj, datum izdavanja, opaina prebivališta ili boravišta za raseljena lica, naziv organa koji je izdao lienu kartu, rubrika “Napomena“, a ostali prostor poledine obrasca predstavlja mašinski čitljivu zonu, u koju se u obliku slova, brojeva i znakova upisuju podaci o imaocu liene karte koji se mogu elektronski očitati. Izgled obrasca lične karte prikazan je na slici br.1 i slici br.2, u prilogu Pravilnika.

Član 5.

Izdavanje, zamjenu i poništenje ličnih karata vrše u Federaciji Bosne i Hercegovine Policijske uprave, u Republici Srpskoj stanice javne bezbjednosti i centri javne bezbjednosti u Breko Distriktu Bosne i Hercegovine nadležni

organ koji funkcionalno djeluje kao državna institucija (u daljem tekstu: nadležni organ), po mjestu prebivališta državljana Bosne i Hercegovine (u daljem tekstu: BiH) odnosno po mjestu boravišta za raseljena lica u skladu sa

Članom 7. Zakona o ličnoj karti državljana BiH (u daljem tekstu: Zakon).

Član 6.

Evidencija o ličnim kartama vodi se elektronskim putem u skladu sa Zakonom i Članom 20. Zakona o centralnoj evidenciji i razmjeni podataka.

Nadležni organi iz Člana 5. Pravilnika putem elektronske obrade podataka u okviru svoje nadležnosti vode, održavaju i koriste lokalnu evidenciju o ličnim kartama državljana BiH.

Član 7.

Državljaninu BiH kome je izdana lična karta, nadležni organ koji vodi tu evidenciju, na njegov zahtjev izdat će obavijest o ličnim podacima koji se nalaze u evidenciji, na obrascu LK/OI-4.

Član 8.

Zamijenjena lična karta se poništava ili uništava. Poništavanje lične karte vrši se bušenjem obrasca, nakon čega se iste komisijski uništavaju o čemu se sačinjava zapisnik. Izuzetno, lična karta koja je prethodno poništena vratit će se imaoocu na njegov zahtjev.

Član 9.

Lična karta umrlog predaje se nadležnom organu iz Člana 5. Pravilnika.

Na zahtjev Članova porodice nadležni organ predat će im ličnu kartu umrlog, nakon što se poništi. Ako se lična karta umrlog preda organu koji nije izdao ličnu kartu obavijestit će o tome nadležni organ koji je izdao tu ličnu kartu i dostavit će mu je ukoliko je nakon poništenja ne vrati Članovima porodice.

Član 10.

O poništenim ili uništenim ličnim kartama vodi se evidencija na način propisan u Članu 6. Pravilnika.

Član 11.

Fotografija na ličnoj karti mora vjerno prikazivati lik nosioca lične karte (sa lica-en face) bez šešira, kape ili marame.

Izuzetno, od odredbe stava 1. ovog Člana lica koja iz vjerskih razloga ili prema narodnim običajima nose šešir, kapu ili maramu mogu se fotografisati sa šeširom, kapom ili maramom, s tim što čelo ne smije biti pokriveno.

Član 12.

Bitnom izmjenom izgleda lica zbog koje se lična karta mora zamijeniti smatraju se trajne izmjene lica nastale uslijed fizičkog ili hemijskog djelovanja, bolesti ili prirodnog biološkog procesa, zbog kojih je otežano prepoznavanje sa fotografijom u ličnoj karti.

Bitnom izmjenom izgleda u smislu prethodnog stava smatraju se i razlike između izgleda lica na fotografiji i stvarnog izgleda koje nastanu uslijed većih promjena u pogledu držanja kose, brkova ili brade, zbog čega je nemoguće ili otežano prepoznavanje sa fotografijom na ličnoj karti.

Član 13.

Po saznanju za gubitak lične karte državljanin BiH je dužan to prijaviti najbližoj policijskoj stanici koja će nakon

zaprimanja prijave o tome sačinjavati izvještaj te primjerak istog uručiti odmah podnosiocu i istovremeno obavijestiti nadležni organ koji je izdao ličnu kartu.

Član 14.

Obrazac lične karte propisan Pravilnikom obezbjeđuje Ministarstvo civilnih poslova i komunikacija Bosne i Hercegovine.

Član 15.

Ovaj pravilnik stupa na snagu danom objavljivanja u "Službenom glasniku BiH".

Ovaj pravilnik će se objaviti i u službenim glasilima entiteta i Breko Distrikta BiH.